

自序

乙巳孟陬薄游滬上晤倉石大令謂予曰

畫徵錄後則有馮廣文墨香居畫識將霞竹墨林今
話迄今又五十餘年矣人才輩出而記載無聞將有
姓氏翳如之憾君何不試為之予諾之以未見諸書
因循未果越三載在王福盦處借得墨林今話疾讀
一過隨筆疏記其未采者得一百五十餘家聞居多
暇擬日纂數則以誌景仰精力就衰舊游如夢名號
爵里間有遺忘詹詹小言無當大雅閱者幸諒正焉

光緒戊申元夕寒松老人記於秋涇老圃時年政八十

常熟周左季家寫本

寒松閣談藝彙錄編目

卷一

吳若準

馮培元 學禮

吳昌壽

江 楫 佑

金 鎮

文如球

周 栻

黃燮清 珏

吳 鎔

吳廷燮

吳 春

徐 堉

張光裕

楊 韻 伯潤



葉思澄

嚴大魁 趙巖

陳鴻誥

姚寶儼

蒲華

項鳳書

胡公壽

蔣敦復 李善蘭 胡震

費以耕 以羣

包棟

蔣莖生

畢華珍 王曼

卷二

張之萬

彭玉麀

如山

徐敬

常熟周左季家寫本

錢清鉢

錢清珪 官俊

楊象濟 譚廷獻

郎瑞

董念棻

王汝梅 汝晉

朱拱辰

陸沅

周寶彝

鍾調梅

陳綱

周閑 徐錦

郭福蘅

仇炳台

蔣確

汪燕山

吳雲 戴德堅 吳大澂

任熊 董預

任頤

丁文蔚 奉雲

李銓

陶溶 壽桐

范城

陳璞

居廉

仁廉 佩徵

黃振成

鄧濤

閻家然

羊毓金

浦李高

楊慶

童叶唐

晏

嚴儀

蔣錦

蘇春

祝萬壽

孫第培

張世準

常熟周左季家寫本

周蘭

胡義贊

秦敏樹

顧大昌

胡駿烈

鑽

傳細

卷三

耆齡

銘岳

秀琨

季標

辛試南

沈念椿

張元勛

沈福鍾

俞功懋

許鞠存

楊馥

戴有恒

以恒
爾恒
之恒
兆登
其恒
兆春

何晉榮

王禮

夏鳳翔

鸞翔
莊仲芳

蔣田

許威

李綱

蔡鼎昌

李慈銘

顧超

易慎鼎

朱昌壽

陳豪

葉滋純

許增

廖綸

蔣節

呂耀斗

李之邵

吳煥采

張溥東

常熟周左季家寫本

李嘉福

凌霞

許桐

舞餘

文照

沈瑞清

春元

金廷椿

高燿

蘊珊

郭照

頤康
似堙
蘭祥

陶燾

胡寅

璋

周作銘

陳壽菱

沈鈺

謝公桓

陸源

徐泰增

孫慶治

杭朱輝

卷四

崇恩

元篤

倪文蔚

薛時雨

蔣子檢

周峻

顏鍾驥

世靖

趙之謙

勒深之

倪恩齡

李相

徐元霖

趙子密

鄧承清

陸錫康

鄭德凝

張二谷

華文匯

黃山壽

常熟周左季家寫本

李賢喆

范金鏞

程門

馮世定

商言志

陳治

吳滔

衡徵

吳穀祥

朱偁

方貞吉

萬中傑

萬方澍

楊觀光

卷五

丁峻

吳鳳藻

汪鳴鑾

張度

徐琪

陶方琦

何維樸

世壽

姜詩

湯世澍

吳俊卿

沈振麟

渭川竹君

張槃

金龍節

杜游

熊景星

錢筠

徐樹基

徐立善

談德壽

常熟周左季家寫本

沈維裕

姚夔

鄭文焯

金彰

嚴信厚

陳允升

吳格

程文榜

徐楨

徐振常

朱泉徵

汪丙吉

陳巒

朱銓

高寶辛

金蓉鏡

江標

費念慈

張上龢

金石

倪茹

蔣保華

孫興第

全家慶

黃士超

巢勳

高邕

潘振鏞

振節 琳 尤桐 沈璉

戴信

李慶霄

全度

錢衡同

朱傳經

鄒玉賓

金城陶陶 邱棧

方賓穆

王綬

常熟周左季家寫本

卷六

龍啟瑞

袁祖

徐郁

姚丙然

昌頤

謝昌年 雪

馮登雋

諸文標

沈相猷

穆仲 吳子恩

張培文

陳鸞封 徐傳經

施邗

葛樽

葛同

吳大受

王堃

穆寅

吳鈞

包虎臣 陳氏

楊詠沂

沙馥

錢濟奎

陸同元

金承詒

錢熙 周泰

周鏞

葉直

姚鑾 徐祖培

楊焜

錢慧安

舒浩 鄧啟昌 倪寶田 宋石年

黃廷桂

陸恢

顧麟士

沈壽康

陳士侃

沈麟元

葉鴻業

常熟周左季家寫本

胡尤

程百齡

錢宗燦

屈大獲

趙仲舉

沈霖

施楨

任百衍

沈澄

以下方外

俞廷芳

柳溪

虛谷 諾瞿

大須

雪舟

修梅

允中

根雨

沈敷 全叔以下閩秀

錢斐仲

嚴永華

吳珩

左錫蕙

沈玉珩

陸慶瀚

祝頴

黃篁

丁恒

繆素耘

阮玉芬

王韶

莊采芝

任雨華

華湘英

華琮妹

文福元

秦聯珠

常熟周左季家寫本

葉翰仙

王萱

辛璉

常熟周左季家寫本

寒松閣談藝錄卷一

嘉興 張鳴珂



吳次平大若準一字耘石錢塘人菘圃相國之孫相
國晚年卜居平湖北門內之趙家濱流水到門園林
幽邃遂家焉次少孤奮志力學官京曹日研究典墳
長於攷據兼通六法所作山水與海鹽李乾齋茂才
相頡頏著有洛陽伽藍記集證一卷其舅氏長興朱
先生紫貴跋云曩者顧丈澗萍病今世通行本伽藍
記綱目混淆子註羸雜謂紫貴日子多暇日能重為

分晰一如劉氏知幾之所云乎從事經年悉心推究
中間輟業未有所成吳甥次平乞假南旋娛親之暇
兼治此書歲篇一周定本遂出大畧所據者如隱堂
本所參考者何氏毛氏本復旁及于御覽廣記法苑
珠林所引隻字片言咸為比校疑文訛句論斷獨伸
遂通條舉件繫成集證一卷復繪圖一篇列諸簡端
余既自悼無成又惜顧犬病廢不出無由商確義例
而甚喜次平好學深思有功於古人匪淺也爰識數
語以為緣起云大有序云元魏崛起朔漠奄有中原

常熟周左季家寫本

高祖賢明卜宅洛土聲明文物用夏鑿夷洵乎軼符
秦而跨江左世宗忘其國恤崇尚釋氏太和政教為
之一衰洎乎母后臨朝閭人用事外藩首禍變故迭
興始則余朱氏張卓莽之凶竅繼則賀六渾效曹馬
之故智至永熙遷鄴而魏祚移矣撫軍府司馬楊銜
之慨念故都傷心未忝假佛寺之名志帝京之事凡
夫朝家變亂之端宗藩廢立之由藝文古蹟之所闕
苑囿橋梁之所在以及民間怪異外夷風土莫不鉅
細畢陳本末可觀足以補魏收所未備為拓跋之別

史不特遺聞逸事可資學士文人之考覈已也昔劉知幾言銜之此記定彼榛楛列為子註後人合并不可復辨暇日流覽意存復古忘其淺陋重為分析古本既無由見未必一如舊觀而網目麤具讀是書者或有取乎刊板行世人皆服其賅洽後成道光辛丑進士視學江西卒於任所嗣子小耘司馬兆麒於丙寅夏入都納粟與予相見於輪船中遂訂莫逆交後官江蘇蹤跡益密嘗出示先世所藏鮮于伯幾大楷書兩巨冊沈石田為吳匏庵畫紅梅巨石大堂幅唐

常熟周左季家寫本

子畏書畫合卷最為心賞他如劉石庵汪退谷楹帖何子貞大橫披皆用意之作可貴也

吳氏又藏晉孫公和鐵琴一張係嘉慶六年松圓相國官江南河督鐵冶亭制府贈其公子脩梅州守也州守遂更號鐵琴琴之池上有雙鈞天篆二篆字下署孫登二字亦篆文一印曰公孫此木中項氏得之以天籟名其閣者也池下補鑄項元汴珍藏五篆字墨林聯珠印子京父印琴匣有阮芸臺梁荏林張叔未趙次閑諸先生題記我師黃韻甫先生倚晴集樓

中有一詩云鐵琴以所藏孫登鐵琴見示予為上絃
并誌以詩云躍出甃賓鐵曾經劫火來千年神鬼護
萬壑風雨哀天籟沈高閣秋聲洛嘯臺廣陵今絕響
孤負此良材後為小耘之本生尊人抱仙文官陝州
和州擢以入汴今在其從孫叔嘉大令廷模鄆城官
署也

馮小亭文培元仁和人道光甲辰探花下筆千言文
思敏捷未第時應書院課日可得七八卷兼通六書
工畫梅疏枝冷蕊得冬心董浦遺意官京師與秦誼

常熟周左季家寫本

亭諸君結畫社後視學湖北殉粵寇之難 賜諡文
介宋廣平鐵石心腸早寓於麝煤鼠尾間矣次子子
因大令學禮 欽賜舉人奉祖母甚孝抗城寇警避
兵蕭山亂後回里與予同事采訪忠義局最相契合
後由景甯拔官改知縣分發江西相見歡甚兩家春
屬同賃一宅居之癸未後予重至章門子因留住三
載聽鼓餘閒惟以文章道義相切磋砥子因善畫山水
兼工墨榻其在蕭山時借得任渭長畫蔡容莊刻臂
閣十餘根推拓甚精後一權新昌而歿長孫孟餘觀

察祖蔭襲騎都尉得部郎隨 欽使出洋參贊今官
江蘇次孫祖荀亦出洋肄業忠孝傳家正未有艾也
吳少邨文昌壽同邑人道光乙巳進士官廣東連平
州知州時粵省匪蹤四起頻年帶兵勦捕所向有功
累升至布政司授湖北巡撫調河南聖吏議錫一級
乞假回籍修墓假未滿即擢廣東布政使將啟行又
升廣西巡撫卒於官年五十八文學閎淹貫經史而
外兼精小學凡音律算法畫科靡不通曉所畫山水
直逼麓臺然薄為未技不多作也

常熟周左季家寫本

江夢華大穢原名承柏同邑諸生與先君子最莫逆
住宣公坊離寒舍僅半里鳴珂少時常叩起居大性
和藹嗜酒喜獎掖後進書法梁頻羅畫山水師王廉
州而一種秀逸之氣為不可及咸豐辛亥夏鳴珂侍
大作澈川之游夜晚泊舟納涼得句云爭潮吹蛤喧
秋雨點水飛螢亂夜星丈甚賞之許為作紀游圖未
果庚申粵寇陷郡城丈全家殉節惟次子雲房官廣
西巡檢得免於難長子佑字種藍長子兩歲同受知
於德化萬丈敏公八邑庠亦好飲兼通畫理作小品

墨花烏雅近新羅而用墨尤有神彩似從董思翁山
水中得來性拘謹一日過予齋正諧談間而雨作懊
恨無已子戲贈一詩有句云放膽出門仍遇雨縱情
下筆自凌雲紀實也後亦殉粵寇之難予為報局彙
業奏邸

金松泉舅氏鎮同邑人喜畫花卉從張子祥先生游
規摹矩仿不失分寸後見王秋言作專心學之筆便
超脫所作禽鳥尤生動有致中年失聰晚客滬上聲
譽藉甚

常熟周左季家寫本

文骨麓姨文如球秀水人諸生後山先生之哲嗣也
丈氏諸昆仲皆能藝事凡文房硯匣臂閣印斂扇骨
一經磨治光滑可鑑丈工花卉嘗臨衡山翁仙桂新
枝圖卷表弟子廉茂才惟清出示予為題挂枝香一
闋云天香萬斛正小院秋晴晚風低撲剛卷湘簾延
賞翠甌茶熟停雲妙筆空千古有詩孫畫圖重續調
鉛重豔柁藍演葉散芬盈幅指昔日禾城老屋賸黃
霰甌階廢苔凝綠記得淮南招隱小山道曲故鄉香
舊凋零久展瑤箋墨花吹馥吟魂呼起新枝又長一

叢金粟

周未庵師拭諸暨人由進士官天津縣知縣改嘉興府學教授嘗勸鳴珂作詩須學香樹齋和平溫厚則福澤自臻矣師書臨顏平原畫蘆雁得邊頤公三味飛鳴宿食皆有殊致

黃韻甫師愛清原名憲清號韻珊海鹽人道光乙未舉人工詩詞通音律著有倚晴樓詩拙宜園詞帝女花凌波影茂陵絃鴛鴦鏡桃窠雪諸樂府又工山水嘗為黃鶴樓丈繪扁舟訪友圖系以詩云澈湖紅葉

常熟周左季家寫本

照斜曛暇日來尋鷗鷺羣別後相思何處著卧游十九峯雲家有小園盤花旋竹陶寫性靈一時以詩詞為羔雁者咸仰之如泰山北丰庚申劫後始出山以縣令需次楚北疊罹繁劇歿於鄂渚無後女公子珏善畫士女受業於徐湘雲女史風裳水佩飄飄欲仙予見其紅樓夢畫冊十二幅精妙無比適杭州宗子城太守景藩

倚晴樓詩沈雄縣麗雅近玉谿鳴珂最愛其擬諸將六律云赤眉青犢敢操戈手詔重徵老伏波符節自

天頌虎豹旌旗臨海走鼉鼉武侯卧病緣憂國宗澤
傷心未渡河馬革忠魂招不得五谿淫毒至今多相
公使節忽登壇救賜神刀北斗寒谷鉞未伸司馬法
貂蟬空壯惠文冠百蠻地險懸軍苦五嶺天高轉饒
難了了山川形勢在談兵恰向畫圖看書生裘帶鎮
南瀛絕島窮洋識姓名五等酬庸新拜爵兩朝專閫
舊知兵蠻夷早納包茅貢吳楚方驚細柳營百勝餘
威應破竹可濟未過岳陽城傳聞陸抗在東吳衣帶
長江未可圖自信兵威雄北府誰知天險失南都上

常熟周左季家寫本

流扼要空屏障下水連檣走舳艫舉目新亭風景異
隕身能報國恩無通侯家世老元戎九死餘生氣尚
雄李廣殺降宜落籍孟明棄罪再論功援軍未扼潯
陽口捷報頻來淮水東騎鶴揚州何日到瓊花落盡
戰場風鳥鷓鴣旗纛下蠻荆江左夷吾在此行七省材
官歸特將三吳女士倚長城然犀應見龍蛇走帶甲
微聞蟻蝨生苦為東南支一柱誓將肝膽奉承明
吳二梅鎖海鹽諸生工畫花卉宗陳白陽與韻甫師
極相契晚年偕韻甫師同往湖北予曾於滬上客邸

見之

吳彥宣廷愛海鹽人諸生工倚聲刻有小梅花館詞
三卷又善山水嘗以所作楚山清曉圖索韻甫師題
詩云摩空黃鶴懶登樓咫尺清湘且卧游一枕朝雲
巫峽夢丰籤殘月洞庭秋頗聞蘭澤多哀雁可有批
源住野鷗如此江山行不得畫圖蕭瑟使人愁

吳曉帆犬春同邑諸生性伉爽喜畫山水家設裝池
肆人有以名畫付裱者臨摹不倦所造益深予少時
恒喜過之後其戚家友石犬世樸以進士官大興縣

常熟周左季家寫本

知縣文往依之歿於京師

徐曉耘壇同邑人隱於市廛與予為總角交喜寫生
學張子祥鉤勒渲染皆有法度晚歲貧甚偕予至滬
上賣畫不入時趨無納幣者垂索而歸卒以窮死予
賦感舊詩云早歲即相知忽忽五十載玉梅影橫斜
筆墨頗瀟灑為我卜新居歌枕聞欵乃蓋秋涇買宅
君為介紹也

張雨杉光裕相鄉諸生任後珠邨名醫夢廬犬千里
之子丈精岐黃術著手成春遠近就診者踵相接兩

杉世其業兼善山水著墨不多頗有逸趣又工倚聲
嘗乞費子蒼先生畫望春圖自題鵲橋仙四闋云多
情杜牧多愁宋玉一樣相思心苦綠楊無力館春光
便不想東風留住詞成團扇圖成錦瑟畢竟箇人何
處伊邊寫到燕歸來任豆蔻花梢凝雨移他有楹蔽
他有塢却恨尋他無計縱教渴煞茂陵人盼不到梅
酸天氣燈殘殘吟緒琴餘離緒可有青禽知未慵紅
悶翠撥閒愁且付與空中姝麗養花雲暖戀花月永
肯被蜂愁蝶怨春陰煞費護持功海棠挺十作平分

常熟周左季家寫本

紅綻闌憑亞字香燒心字那管兩情深淺粟留啼上
小桃枝祇聽得新聲一半玉樓聽雨玉壺膏雨一一
攪儂方寸剎那二十四番風又容易傳來花信眉烟
翠鎖眼波紅溜丰為春情流恨千金值得買良宵最
怕東皇還新

揚小鐵韻同縣人工詩與岳餘三文結駕水聯吟詩
社黃霽青先生極賞之又通大法作山水空濛澹遠
逸趣橫生家在鴛鴦湖上榜其廬曰南湖水榭一時
談藝之士咸造訪焉子佩甫字伯潤畫以字行所作

山水規摹董思翁得其神髓庚申後移家滬濱四方
走幣相乞者無虛日

葉賓秋思澄原名鴻恩秀水人諸生太史雨垞先生
之子太史學問賅博著有紀元通攷賓秋工書法出
入率更登善之間又喜作畫孤花瘦幹敷色鮮妍晚
歲游南臺及於閩中

嚴梅先大魁一字翼卿秀水諸生賓秋之妹壻也其
兩兄一號少春為子姊壻一號綸如與予為僚婿瑣
瑣嫻姪時相遇從嚴氏諸昆仲皆雄於文而豪於飲

常熟周左季家寫本



少春早世綸如秉鐸富陽君後為新昌校官工畫花
卉粗枝大葉設色濃豔作巨幅尤相宜也晚歲告歸
卒於家子趙錢字子梅諸生喜吟詠亦工花卉

陳勇壽鴻諾秀水諸生翰林院待詔工吟詠年弱冠
即刊其味梅花館初集結交皆老蒼如黃鶴樓蔡聽
香諸先生皆投縞紵書法仿冬心作瑤扁字具有古
趣又摹其畫梅用乾筆擦出別饒韻致晚歲索筆東
瀛從游者甚衆

姚竹生寶儼秀水諸生人品安雅工畫山水為予作

水墨橫幅山重水複竹樹回環書卷之氣盎然楮墨間也

蒲竹英華原名成秀水人與予同受知於萬文敏公八邑庠工畫山水花卉大屏巨幀頃刻可成壯歲即橐筆出游客甬上最久後寓滬濱孑然一身無室家之累喜蓄古琴遇即購之亦奇癖也

項桐隱鳳書同邑人諸生天籟閣後人也其尊甫官沐陽知縣君少孤能讀父書貧甚奉母居采芝山人丙舍在天帶橋南與子隔溪相對暇輒過從君喜飲

常熟周左季家寫本

酒工八分能篆刻兼通畫學作士女有骨子茗先生遺意庚申劫後橐筆客吳門金陵武林十餘年未能展其素抱卒顛顛而歿

桐隱父友等大令名炳森書用鷗波法兼精分篆鐵筆其子金宣字少峯濡染家風惜不永年則桐隱之兄也 受福附識

胡公壽遠初號小樵畫以字行華亭人書法頗魯公藏有戲鴻堂祖本爭坐位稿書矜為至寶畫筆秀雅絕倫山水花卉無所不能尤喜畫梅老幹繁枝橫斜

屏幃對之如在孤山籬落間也海甯李壬叔善蘭有
題胡小雅梅花巨冊詩云清氣填肺腑充溢到骨髓
欲出無從出奔赴向十指巨冊忽當前一洩不可止
鬱起蟠根株璀璨發花蕊潔掩雲母窗淨拭烏皮几
小坐令我讀觸手春滿紙恍騎玉龍背游戲香海裏
流覽十二幅三復何能已我本羅浮仙甘抱寒香死
墮落幾何年見梅輒歡喜此時洞口花應與圖中似
乞畫白鳳凰送我歸山去


甲寅冬公壽游禾訪予天帶橋賃屋借太鶴山人贈

常熟周左季家寫本

奚揄樓白書楹帖貽予云睡起漁歌生枕上詩成湖
月到樓心辛酉避亂海上日與公壽劍人壬叔鼻山
談藝甚樂劍人以近作張忠武公行略示予云咸豐
十年春閏月江南大營潰 欽差幫辦軍務總統南
北諸軍提督軍門張公國樑力戰死事聞 天子追
念蓋臣 綸音褒悼 贈恤有加越三年 今上登
極改元同治 兩聖聽政大申黜陟羣盜次第就戮
海寓指日蕩平而公之行狀及銘表幽隧之文未有
作者草莽臣將敢復伏讀 先皇帝聖諭有云東南

半壁倚為長城尚冀該提督不死出為國家宣勞又云若張國樞尚在蘇常一帶何至糜爛若此等語感激涕零撫膺浩歎詢公之舊部曲將校及粵人之能道公遺事者綴拾成行略一篇身非史官不敢作傳謹以俟當事者采而上于朝公姓張氏初名嘉祥廣東高要人生而長身蓋立柱武絕人年十五之粵西貴縣從其叔父賈願心弗喜也喜任俠結客鬥雞走狗跳刀拍張與羣少年游輒以氣懾服儕輩咸凡事之會其黨有為土豪所困者公怒率眾往劫破

世熱周左季家寫本



其質庫土豪訟名捕弗能得而公之義聲已震為羣盜所推有眾萬人不長殺掠人為之語曰拯弱鋤強張嘉祥前廣西巡撫今制府勞公聞而異之遣大將招撫道光二十九年公單騎受撫于左江鎮尋捧檄勦土匪顏品瑤潘七大李樹青等境內蕭清入謁幕府撫部深器重之使執贖從弟子列乃改今名曰國樞字殿臣公由是感激思立奇功答知己逆匪洪秀全事起撫部檄公募勇往勦以二百人破賊數萬於新甯州咸豐二年三月調赴湖南破賊於道州蛇皮

嶺克永安州追賊至長沙省城南路新開鋪賊竄湖北復追勦至武昌省城攻破洪山寺賊壘自新甯州之掇入奏奉 旨賞戴花翎補授守備至是升都司賞給霍羅琦巴圖魯勇號時洪逆已從九江順流下竊據金陵矣公之立功自力保桂林始後逐賊楚南北直抵江甯省城均與提督向公俱相倚如左右手賊聚太平向帥問諸將孰敢往取賊巢無應者公慨然上馬行所部五百人從之賊衆聞公至大驚棄城走公徐按轡入城市不改肆事畢歸報往返僅七

常熟周左季家寫本

日軍中唱凱歌日張國樑走馬取太平前後奏捷晉階游升至福建漳州鎮總兵官率師渡江取浦口及江浦縣城往返亦不及二旬晉提督銜六年五月九華山之師潰他帥死諸將擁兵觀望大勢幾不支於是向帥奏請以公總統南北諸軍旬日間招集流亡並解金壇之圍 朝廷嘉之始拜 欽差幫辦軍務之命嗣此乘勝克復句容鎮江進擣秣陵闕馳往江北復揚郡儀真復渡江圍江甯城外賊營築長濠以困之經畫數年破賊形勢已在掌握而九洲正當

賊衝亦為我軍所據先是公平鍾山賊壘被破擊傷
中指蒙 恩賞給 御用藥散復白容 賞穿黃馬
褂復鎮江升授湖南提督世襲騎都尉復秣陵閩賞
換雙眼花翎調補江南提督復揚儀蒙 恩世襲三
等輕車都尉復九淤洲蒙 恩世襲二等輕車都尉
中間 尚方珍玩 恩賜駱驛異數頻頒 溫給疊
至日者 先帝聖訓勇猛之中加以慎重公自念遠
方武臣受任非常雄誦感泣日夜圖報當是時向帥
已積勞薨於軍 欽差大臣某故貴人不諳軍旅餉

常熟周左季家寫本

不時給公功名既盛忘者益多方沮撓先後屢失事
機度賊未易滅誓以身殉扶一齒界家人歸報示無
還期江甯賊受圍久勢憊甚城垂破者屢矣為出押
計乃集各路劇賊思并力一決勝負亡何官軍缺餉
已五閱月士卒洶洶脫巾一呼慮在旦夕以公故猶
未忍公不得已躬詣某帥所長跪告急繼之以泣卒
弗許退而念此飢軍終不支亟檄召副統帥某兵翼
相與戮力一鼓下省城擒賊首出萬死不顧一身事
或濟副帥將行留守常郡某制府尼之羽書七往返

不至賊聞之急攻官軍官軍譟於營某帥遁帥大潰
公聞變搏臂而呼墜馬幾絕立馳自鎮江至丹陽城
下與賊戰傷重知不免探懷中印授材官某令走報
下馬白 闕再拜曰臣力盡矣復上馬大呼望賊營
而馳亂流渡河人馬俱歿於水時十年又三月二十
九日也嗚呼公在而東南大局支持八載公歿甫逾
月常蘇二郡相繼淪失江南數十州縣十陷八九然
則公之一身存亡安危所繫豈淺鮮哉 先帝初得
奏報以尸骸未獲數月未忍議恤八月十七日奉

常熟周左季家寫本

上諭著照提督陣亡例從優賜恤晉贈太子太保入
祀昭忠祠其死事及原籍地方並立專祠子孫俟服
闋後送部引見項之禮官議諡忠武 制曰可洪惟
我 國家勸忠之典逾格優加凡在臣子宜如何報
如公之忘身殉義 先帝重惜其死彼全軀保妻子
者失其本心矣以戴皇天而履后土也公年十八作
盜魁二十八折節從官軍為國虎臣二十八而致命
遂志平生大小數百十戰無不以其身為士卒先其
用兵也善以少擊衆每出已意作進止率與古法暗

合自偏裨擢至大帥所得祿俸悉與戰士未嘗名一錢置一產為子孫計子一陰清尚幼及公之喪至粵制府勞公厚賻之始克成禮嗚呼難矣公之走丹陽也男女老稚遮道乞留與俱守丹陽城小而陋無險可托公策馬園視太息日事不可為矣女曹速去我暫留各泣拜去公植立城上賊望見之不敢進良久度民盡去城空乃下流離顛沛中猶不忍於民若此求之古名將中不數數觀其他軼事多傳聞不具書懼誣也

常熟周左季家寫本

劍人短小精悍慕魯仲連陳同甫之為人下筆千言滔滔汨汨東南海警上書言兵事忤當事者意中斐語逃之方外名鐵岸後返初版坐右常懸張文毅公贈聯云倔强猶昔沉吟至今亦可傷已壬叔精周髀九章之學推測厯算窮極幽蹟為島人所推服著有則古昔齋算學補幾何原本等書後經曾文正公保送同文館游升至卿貳極文人之榮過矣鼻山姓胡氏名震字不恐富陽人好古文篆隸八分之學書絕佳即行楷亦不涉唐以後一筆工篆刻與錢叔孟齋

名有錢胡印譜壬戌六月歿於海上劍人以為作小傳

費餘伯以耕為程人曉樓丈長子也大畫名滿東南山水人物兼工傳神容振綺堂時為汪小未先生作東軒吟社圖高尺有咫長三文餘圖中詩友二十七人文亦預焉布置樹石點綴琴尊極滲淡經營之致庚申劫後為子用大令所藏戊辰同入都門得以寓目餘伯承其家學畫士女頗幽靜庚午五月予游滬上乞其畫鐘進士象側耳作聽琴狀傍坐一女郎膝

常熟周左季家寫本

置一琴撥絃撫弄秀媚天成未幾病歿弟教士以羣諸生亦工士女嘗游吳門始相識後在武林又遇之今已下世矣

包子標棟一字近三蘇州人畫學劉彥沖人物衣摺古雅絕倫似於改玉壺費子茗兩家外別樹一幟實藝林之上品也

蔣仲離菴生昭文人霞竹先生嗣君也幼承家學善畫山水又得錢松壺湯雨生兩先生薰陶指授造詣深道光末橐筆來中與予相見於天尊閣一別五十

餘年今讀墨林今話續編如聞其聲效也
畢子荀先生華珍太倉人弇山制府之族孫也官浙
江淳安龍游慈谿等縣知縣錢晚廷聚潮秦次游光
第兩丈皆出其門先生晚歲致仕養疴禾城築梅巢
以居作雜詩三十七首清微澹遠神似王韋與少年
所作附刻瓶水齋中者迥不侔矣著衡論十三篇皆
經世之學又喜畫山水空濛蕭瑟似能不能每往訪
之輒清談移晷也

梅巢雜詩予雅好之削膚存液如布帛菽粟之不可

常熟周左季家寫本

一日無者茲錄三章以供諷誦云頻年浮宦情無復
哀老子位寵神且辱又况斗筭士飢人不擇官疲人
不營址了然此翦棘入戶半就圯豈無髻與墜問翁
翁不喜既念老且憊曷為久耽此有田歸可耕無田
歸且止但得片席居不歸如江水此口不飲酒無酒
意缺然脫有嘉客至何以訴情悃借紙自鄰家不謂
突少烟無麪聊取酸是味稱常年終當醉百甕睡臥
忘其天兩僮當扶老不離一榻邊上得乃不得懸之
還又懸

宋字文翰嘲道士陳子霄語
余病足久不登樓故戲襲之照水羞白髮何

必游斜川小作蜿蜒勢而石如面山白雲蓬蓬然入
我甕戶間佳種歡友于且復事灌園門前兩桃樹綴
實遺甘酸不采亦不薦氣味常獨完此處無寵辱得
不放心田向來厯邪許得息猶夢慳無徑終劇迹風
聲疑叩闕姚春木云似宋人學魏晉之作

予所識諸先輩以梅巢先生為第一蓋先生之名早
列乾嘉詩壇點將錄中至咸豐初已歸然魯靈光矣
先生自述與秀水王仲瞿先生為忘年交曾登其烟
霞萬古樓樓五楹軒窗明爽水木清華塔影風帆近

常熟周左季家寫本

接几席樓中圖書卷軸筆硯琴尊金石彝鼎笙簫斂
劍戟投壺奕枰之屬位置精雅而無梯樓板上穴一
圓洞主人一躍而上客至則挾以俱登焉其址在秋
涇橋東北鬪體濱故相傳其門聯云室中有碧水丹
山妻太聰明夫太恠門外皆青燐白骨人何寥落鬼
何多兵燹後鞠為茂草遺蹟蕩然今已改建四明會
館矣仲瞿先生天才亮特通兵家言上馬如飛慷慨
悲歌不可一世等身著作傳者甚夥予嘗從嚴氏借
得詩稿十餘冊甄錄二百餘首為川沙沉韻初舍人

樹鏞借去焜於兵燹嚴氏所藏原稿亦付劫灰時文
一冊涇縣朱幼拙部郎蔭成刻之後又在范雲芝處
許借詩集殘稿一卷已為刊行尚有黼黻圖予手摹
一冊其自跋云蘇蕙織錦迴文子嫌其名曰璇璣圖
無圓體讀書會稽山中戲代其棄妾趙陽臺亦製一
本凡一千五百二十一字讀成短長古律銘瑤贊誦
五萬七千餘首中含三垣斗柄二十八宿及一切圓
象其方畧則列國輿圖風雲天地八卦游兵共圖一
幅分圖為四十有九交龍翔鳳萬轉千環握奇變化

嘗用左季家寫本

之數雖兒女心思善讀者亦知為文章之壁壘乎予
尤愛其西陵書事一篇云歲在己酉月陽值中秋涇
生棹舟於揚子之西陵江雲欲霽銀山如屏潮平四
尺沙月無聲榜人酌蘭陵之醞童子吹笙水窗上下
如有神燈就枕若脹帆而行者風檣欲裂雷閃雷騰
白魚拋尺神鴉萬翎上流簫管之聲一船兩槩鳳旆
龍旌軫軫隱隱若聞韶韻紅欄華繪樓櫓如城日洞
庭神人也馬門隱顯短燭長檠雲鬢象侍者眉星額
月耀若湘靈逆生舟而晒日彼不逞其文章之技矣

慨源而如萍二鬢導手扶篙而升紅曦西入白日東
昇^竟震霰帔霞散雲蒸趨蹌再拜目蕩心驚日晏符秦
竇氏蘇姓惹名三湘七澤屬我權衡生遂巡少選騰
氣方屏營而請日亦嘗聞璇璣之突奧矣欲句讀
而未能神艱然言曰靈笈之秘文非當世之流行也
俗人膚淺謬執文評陷亡錦失襲入龍庭金輪偽本
不足為憑世不知旃檀糞土之殊等何辯乎文章之
死生爾窮墳典耳目晶瑩東南千里地屬軫星海
中一窟館曰雲縉靈函秘典十洞三成靡人披展誰厭

常熟周左季家寫本

神鯖神人迺水壁立葦八由庚海龜後轟江鬼前
旌門樓百級玉戶瓏玲龍書鳥篆億史千經靈堂九
間羅圖一屏神曳裾吟曰此五十圖也璇璣之所由
縱橫秋涇生魂神震驚氣沮思怔不能卒讀一字三
停司書之女聞墮開扇奇光眈眼異采迷睛錦端數
十元黃飛靈生剗心究義劃肚尋音誦之再遍字字
瓊瑛神曰是圖也分之衆幅合之一并明珠走盤十
萬餘零非俗傳之輻輳世人之規聽者也生頰頰稽
首誦之在口服之存膺騰忭喜踴實獲未曾喟然捧

頭而言曰妾貴乎賤日不知璇璣之更有真也神志
然憤色曰爾銅於塵好猥慕浮榮文章雕琢實憚靈
精命之不遇何異青甯銀濤督合海水魚腥神人不
見紅旭如鉦身飄海岸雞飛鳴如醒大醉覆卧吳於
於秋溼生於是披衣磧面杜黜聰明含豪記錄三日
圖成

仲瞿先生黼黻圖老人擬付石印未果曾屬余以
小篆揭諸簡帛老人往矣是圖不知流落何所回
憶惘然 受福附識

常熟周左季家寫本

寒松閣談藝璣錄卷二

嘉興 張鳴珂 公東

張子青之萬直隸南皮人道光丁未狀元工畫山水
擅婁水諸家之勝而尤醉心於石谷官江蘇巡撫時
愛拙政園泉石池榭之幽秀購為八旗奉直會館葺
而新之旋升閩浙總督移居其中浙人之在吳下者
釀金演劇觴公子隨衆一揖望見丰采公清臞鶴立
談宴至夜分不倦後拜大學士卒諡文達
彭雪岑玉麈湖南衡陽人以諸生從軍盩平粵寇積

功官至兵部尚書加太子少保銜巡視長江威震中外性喜畫梅老幹皴枝鱗鱗萬玉其勁挺處似童二樹旌麾旄所莅伍必作數幅人爭刻之為江山勝蹟也卒諡剛直

冠九都轉如山赫舍里氏滿洲鑲藍旗入道光戊戌進士官浙江糧儲道升長蘆運使書法雅近大朝尤善寫生予見其貽薛桑根師紈扇作蘭花一叢設色淡冶風致嫣然一望而知為文人之筆也

徐信軒敬江西人官嘉興府知府升糧儲道工畫竹

常熟周左季家寫本

府署舊有碑刻兵燹後已亡矣

錢伯聲鄉鉢秀水人擇石先生裔孫曉廷丈之子畫承家學善花卉登戊午賢書以知府分發江蘇權常州蘇州均有政績君與予同庚猶憶避兵石佛寺同賃馬氏宅而居送抱推襟雅相得也出山後嘗推稅常熟為予述虞山劍門之勝至今猶想象焉

錢問陶大清昭秀水人同治丁卯舉人味縣教諭性爽直與人交和易坦率問以諧談人笑其狂不屑也善畫山水雅麓臺從子官俊字愛廬一字能軒道光

先已酉拔貢官山西萬泉太原襄陵等縣知縣工花
卉筆致超逸有白陽山人遺意

揚利叔象濟初號嘯谿嘗慕汲黯之為人一號汲庵
秀水人咸豐己未舉人議敘知縣性坦蕩無城府粵
寇陷金陵江忠烈公陳臬楚中君往投之比至而忠
烈已進軍九江上書當事膺薦入張制府亮基幕與
左文襄同事共商軍務後與江陵林太守天直練勇
同援廬州三河之戰忠烈殉節君力辭軍事以所部
勇隸林太守而間道歸里後雖稍稍出游卒無所遇

常熟周左季家寫本

年五十四卒君詩文雄健書畫皆古雅嘗為予畫佛
一軀至今猶珍弄焉丁卯冬存抗予歎之書局貽予
新刻南歸草一卷猶憶其王壯愍祠云一死無餘責
公來惜已遲瘡痍根久瘁功罪始能知騎虎情形極
圖麟福命疑如何新喋血張許不同祠蓋兼謂將軍
瑞公也譚滄生凶耗蓋去春入都得之涇縣吳文卿
今歲回南忽相見於西湖狂喜欲極絕再賦是詩云
奇才天欲妒海外有傳聞世事渾成夢豪情尚入雲
黑頭今日業黃土幾人墳

謂昭伯子珍

百劫微生在陽春

合屬君

徐生者仁和譚仲脩太令廷獻之舊號也後因同於
曾文公遂更焉仲脩博學多聞著述甚富詩古文辭
卓然名家著有復堂類稿及日記十餘卷日記中穿
穴經史辨證古書可以繼錢辛眉之秦新錄姚薑塢
之後鷓堂筆記者也又與許邁孫同校唐文粹一百
卷極精核又選國朝人詞為篋中集采及拙作可勝
愧惡嘗為予題校經圖云男兒不建大將旗蕭條五
字從軍詩待詔未著金門籍零落天人二三策張君

常熟周左季家寫本

學劍復學書萬里鬱鬱風雲淦漸水洗兵遺經出臣
向臣雄今有無秦書一卷杜林守車囊誰從康成後
有時家法辨魯韓有時文字證耶非精廬畫掩生蒼
苔檐華細拂青尊開酒抱懷抱向誰是名山之藏何
有哉春風當戶似故人明月入懷如好女三年風月
踐嘉招塵埃一別還如雨薜蘿簪纓時出入感舊傷
離淚痕溼八載鄉閭我最淹天涯悵悵題襟集華髮
與君各上簪論文耿耿千秋心皓首經生亦無謂一
聲鷓鴣春山深君不見孫公陳集薛公隱李生即潛

董生實同時鼎鼎八九人接席幾時半珠軫案頭生
見囊螢乾匡山讀書作計難百城可擁比南面茫茫
隊緒儒林傳又贈予憶舊游一闋云九月八日紅豆
詞人自木中來踐登高約越日大風雨不得出微吟
寫怨遂成此解憶二十年前與魏滋伯大楊綱士重
九唱和有壽樓春詞回頭影事已墮秋烟兼道山陽
之感矣正瀟瀟風雨漠漠城闌如此重陽負了尋秋
約怕登山臨水楚怨微茫廿年舊游蹤迹分付與衰
楊算者識當時六朝裙屐九日壺觴秋涼綺懷減想

常熟周左季家寫本

似水僧寮潤到衣裳各有看花淚黯青袍顏色冷落
餘香一任晝陰陰地愁雁語昏黃待洗出秋容明湖
澹冶西子妝

利叔好奇自號老龜書畫恒款署之刻印日食氣者
壽置一棹題曰龜游巢吳中獲一白龜護如頭目嘗
浮大江見巨石載之過某縣其縣令乃舊交也使入
界石植署前進謂之曰已與君辨鬱林裝矣其好奇
類如此左文襄督閩浙利叔意有不慊屢移書讓之
至引黃祖稱衡事相况並題紙尾云千古是非從此

定先生文筆大如椽左亦無如何一笑置之而已世
傳說部有花月痕一書或謂利叔自傷不遇記其與
左文襄同容武昌時事未知確否然大筆雋雅迴絕
塵氛斷非俗手所能辦也

郎愛亭瑞餘杭人諸生乙卯秋試周朗亭廣文官勳
邀同宴集在西湖鷗舫中為予畫山水一筵娟潔可
愛

董味青念荼秀水人諸生其大父樂聞先生以畫名
世父枯匏先生尤工書法兼擅繪事嘗刻小印曰陶

常熟周左季家寫本

詩歐字倪黃畫又印曰枯匏不朽其自負可想矣故
君又號小匏書畫皆承家學而尤喜寫梅疏影橫斜
暗香浮動不減玉几山人也

王蓮君汝梅吳江人隱於市廛酷喜筆墨凡山水人
物蟲鳥虎豹皆能想象摹之及中歲專學山水筆力
渾厚予曾得其一幅弟允卿汝晉喜作花卉後從張
子祥先生游而功力益深矣後署歛但書王晉

朱小田拱辰同邑人臨摹古蹟往往逼真歲戊午予
將赴桑根師魏塘官解相鄉馮廉石茂才大奎招飲

草堂酒半小田為作翦燈話雨圖贈行款字學曹娥
碑畫筆秀雅士氣盎然

陸稚松沅蘇州人以丞掾仕浙自云不卑小官人遂
以陸不卑呼之桑根師笑曰稚松嗜飲以諧聲讀之
亦可謂六百杯也工書畫書學李子仙畫山水在香
光南田間一無俗韻

周祖白寶葵一字今仙吳江人諸生學問淵雅詩古
文辭靡不兼長山水學元明人蒼老之筆曾為予畫
石一拳極瘦皺透之致題款亦蒼健可喜

常熟周左季家寫本

鍾臞仙調梅同邑人山水專學石谷間作花卉亦韶
秀有致


陳嗜梅網湖州人花卉學白陽山人後經劉子和指
授更造妙境予所見扇頭小品皆作墨梅老幹疏花
別饒逸趣

周存伯閑秀水人先世襲武職游宦在外久離井里
存伯畫范湖草堂圖以寄故鄉之思嗣以縣令分江
蘇一權新陽即罷去流寓吳門賣畫自給所作花卉
氣味深厚而筆又挺秀白陽復堂合為一手同時無

與敵也嘗用夾宣紙為予作荷花一幀一汁綠梗長
二尺餘不暈不枯起迄如一指謂予曰生平之能事
盡在是矣詩詞亦超遇待鐵笛一枝乞戴行之並功
刻二篆字曰龍腸臨風吹之清越可聽複製一鐵蕭
儼之

范湖草堂圖題者甚夥徐蘭史解元為作序云吾未
為煙水之鄉林淑盤互菰蔣纜連雲樹弄其虛濤鰕
菜飽其秋味柴門臨水清吸湖光古寺催鐘暝入曠
響壁開畫竹點雙鷺以嬉晴歌斷采菱吐一塘以媚

常熟周左季家寫本



夕幽篁之致尤萃范湖園依倦圃為鄰坊問金陀之
舊此周君存伯草堂圖所為作也存伯雲幃雅望霜
瑤清傲抽虎僕以從戎呼龍泉為知我夜帳添燈醉
草羊皮之撤寒裝倚劍催成馬背之詩薦牘風行得
州斗大然而中年逸少早傳誓墓之文作賦興公大
有遂初之想飲神瀆而仙池換骨宅福地而銀榜鐫
名棲影霞倉盟心瀟碧蓋腰館墨綬多簿書之勞
坐對青琴乃有嘯傲之樂於是借家室寓言繪輞川
別墅田分鶴料水課鰕租青鞵之約預辦夫他年白

社之歡兼招夫野老聞此數十弓釐為十九景荷瀨
延爽抱鷗夢而露吟頻香薦涼配魚餐而星酌換頭
弄笛吹墮雲外之聲聳肩倚闌逋到涼邊之句披其
圖者渺然有江鄉之思焉雖然署蠻府之參軍大都
作郡者歸田之小錄幾個還山油幕舊而燕寒蕙帳
空而鶴怨正恐文虛招隱堂次挂瓢夢中之蠟屐常
乾畫裏之青山亦老及取其詞讀之則又有雲春舊
聽雨思鄉賀監狂吟終抱乞湖之願杜陵茅屋常存
廣廈之懷傍春澗而哦松欹秋簾而觴芟風月而外

常熟周左季家寫本

占水竹者二分詩酒之福下神仙者一等小園枯樹
蘭成之賦銷魂禪榻茶烟杜牧之鬢欲雪信乎越人
思越不徒秋壬悲秋矣僕家傍鴛湖萍飄燕市歌闌
燭地枯參末汁之禪曉角清霜冷結春明之夢長買
山之錢少拾芳草而愁多瀏覽斯圖同茲長觸所盼
傳成循吏堂築退思邀琴鶴而扁舟戀菴鱸之一著
君則按賓洲之曲我亦歌竹屋之詞相與流連月話
撫續烟姿請以此言為息壤可乎蘭史名錦同邑人
咸豐戊午鄉舉第一詩古文辭皆綿麗溫厚與予最

契已未計借入都至庚申下第南旋而禾城已不守
恒過予石佛寺寓舍連林夜話忽歌忽哭婢媪皆匿
笑歲壬戌即下世年二十九惜哉同人選其詩文刻
之曰靈素堂集蘭史下筆奇警猶記其駢文云聽墮
地一聲之哭愁自天來無題詩云美人心事如明月
一日新秋一日圓樓臺稱得卿心處只比人間曲折
多及比鑪還煖慰郎心等句皆未經人道語也

郭友松福衡蘇江婁縣人諸生後中同治癸酉舉人
予從淮軍攜家寓松江友松問居停主人曰汝家寓

常熟周左季家寫本

一何人我見其書籍多於筐篋胸中定有卷軸予欲
往訪之遂通編紵友松有至性嘗割股以療母疾家
貧課徒自給下筆千言疾如風雨叩以典故必舉某
書某卷約在某頁按之十不爽一奇才也兼通六法
筆致古茂予謂其得力於明人甚喜為予畫古佛及
南閣祭酒許叔重小象皆可寶也

臨川李小湖先生聯琇視學江蘇以鵬鴒來巢解試
士友松於試卷後圖其形以進學使視之詔曰此宋
畫院本也亟首跋之並賦鵬鴒行贈郭生云健聞動

彌月謂我優且閒豈知日接百千士尤甚勞攘風塵
間展卷恒達旦謂我洽古歡豈知遞蔽畫帖枯更苦
判牘羅紛繁多君筆能鵬鴒語為我衣幘鵬鴒舞興
酣忘在鳳味堂鳴躍專場誇皆距亭林寂寞書臺傾
峯泖逸氣生狂生腹柱萬卷消不得槎枒砢何由
平吐詞盈紙騁雄怪紙尾為圖詎嫌隘危巢枯葉隨
所成試席深叢出佳話林宗合附元禮船山谷欣題
子舟畫山谷有戲詠子舟
兩竹兩鵬鴒詩遠哉遙遙憶踈踈風簾畫
靜飛鳥無叢游回音已如夢嘲咳驚枕閩山隅官閩

常熟周左季家寫本

虞愿感遷地拭目得君願聊慰鳳翔千仞乃其游母

入鳥羣爭喧啾

勉以脩謹
毋自故云

仇竹屏炳台松江人由拔貢生得度吉士澹於榮利
家居笏溪之上署其廬曰笏溪草堂善書兼工畫梅
性和藹而謙謹予卜居雲間招君及張嘯山大沈約
齋同年諸君小飲席散送客君年逾花甲緩步而行
怪之後問約齋知君亦乘筍將進城寄於近處因我
家老母在堂不敢乘輿徑詣古道自持真不可及世
有敦禮讓者宜遵奉之為鄉里矜式焉

蔣石鶴確原名介華亭人諸生工書善畫書學李北海畫筆沈厚不及公壽而挺秀過之橐筆滬上聲譽藉甚惜早世未竟其業也

汪燕山忘其名實畫美人以墨塗髮髻風韻天然龔孝拱最重其畫出重潤求之後從席少保軍人黔殉於戎幕

吳平齋大雲晚號退樓又稱愉庭歸安人以諸生官江蘇曾權鎮江蘇州知府升道員工書與何煖交善性喜金石彝鼎法書名畫漢印晉甌宋元書籍一一

常熟周左季家寫本

羅致入其室者覺滿目琳琅令人有望洋之歎所藏齊侯壘二王右軍蘭亭序二百種最為珍祕又喜畫山水扇頭偶寫數筆超逸清曠頗近雲林一時名下如吳讓之戴禮庭吳清卿諸君咸館其家相與商榷文史掣攷名蹟所著兩壘軒彝器圖釋二百蘭亭齋金石三種漢銅印存皆可貴也

戴禮庭德堅同邑人諸生保舉訓導其女夫朱嫁浦州判培仁予外甥也壬戌同避亂浦東之張江柵相去一雞飛地時君客應敏齋觀察寶時署中偶還浦

東則晨夕過從討論文史邨居之樂未能忘也君詩
學老杜書法出入顏平原力厚思沈非采香獵豔者
所能望其肩背也君嘗見贈一詩云故鄉盛豺虎盡
室來浦東相依有姍姍冷比權鄰翁豈期迫寇警轉
徙隨漂蓬艱難復歸來鴻印述前蹤高樓墮劫大蒿
萊三徑封父老相問訊凋瘵非昔容兵荒鮮樂土俗
儉留古風邨人意良厚止余勿怱怱推其所居室為
我安庖饗臨溪水清泚繞屋足韭菘祇嗟劫掠餘壁
立戶牖空稍稍加葺治結廬當垣墉階除腥鴟鴨几

常熟周左季家寫本

席鄰確春喧聒雜鳴吠朝夕愁耳聾繫余半年來灾
迭瘁厥躬悼亡意惻惻傷亂憂忡忡因卧白木榻偃
仰遭樊籠愁城重築萬慮紛未改解圍無魯連盧扁
扁難為功茅檐噪晴鵲足音空谷定張仲翩然來和
風與之從清談抵七發揮塵起疲癘傾度出異書細
素堆橫縱丹黃見手眼一一籤題工窮子入寶坊五
色眩雙瞳老饕享饌玉下箸愁魚熊如渴飲瓊液如
游涉華嵩清涼祛煩熱曠朗豁心胸霍然病良已豈
得忘羈窮出門恣野眺遠樹絢青紅商飈振林樾旭

照開氛霧矯首西南望滅沒霜天鴻幾時洗兵馬歸
裝載馬蓬結廬駕水側讀書春復冬醉歌中興頌其
樂也融融

吳清卿大澂江蘇吳縣人同治戊辰翰林官廣東湖
南巡撫工小篆筆力清勁一洗完白山人之習酷愛
楊濠突而秀逸微有不逮與予合并於吳門即相契
後又過於京師其巡撫粵東時介葉蘭臺先生衍蘭
寄予說文古籀補及字說兩種皆手錄付刊者也節
錄其說文古籀補敘云古籀之亡不亡於秦而亡於

常熟周左季家寫本

七國為其變亂古籀各自立異使後人不能盡識也
幸而有三代彝器猶存十一於千百攷許氏說文解
字記云壁中書者魯恭王壞孔子宅而得禮記尚書
春秋論語孝經又北平侯張倉獻春秋左氏傳郡國
亦往往於山川得鼎彝其名即前代之古文皆自相
似又云其偏易孟氏書孔氏詩毛氏禮周官春秋左
氏論語孝經皆古文也其於所不知蓋闕如也不言
博采鼎彝文字者殆許氏所未見闕而不錄所謂稽
謨其說信而有證矣竊謂許氏以壁中書為古文疑

皆周末七國時所作言語異聲文字異形非復孔子
大經之舊簡雖存篆籀之迹實多詭偽之形自宋以
來鐘鼎彝器之大始見於著錄然呂薛之書傳寫覆
刻多失本真我朝乾隆以後士大夫誥經之學兼及
鐘鼎彝器款識攷辨俗引義博聞阮吳所錄許徐所
釋多本經說有碑來學者百餘年來古金文字日出
不窮援甲證乙真贗釐然審擇既精推闡益廣穿鑿
傳會之蔽日久自彰見多自塙有許書所引之古籀
不類周禮大書者有古器習見之形體不載於說文

常熟周左季家寫本

者撮其大畧可以類推大激篤嗜古文童而習之積
三十年搜羅不倦豐歧京洛之野足迹所經地不愛
寶又獲交當代博物君子擴我見聞相與折衷以求
其是師友所師遺拓筆片紙珍若球圖研精究微辨
及癡肘爰取古彝器文擇其顯而易明視而可識者
得三千五百餘字彙錄成編參以故訓附以意名曰
日說文古籍補

任渭長態蕭山人工畫人物衣褶如銀鈞鐵畫直入
陳章侯之室而獨開生面者也一時走幣相乞得其

寸練尺幅無不珍如球璧予在戴禮庭處許見其所
作四紅圖亦古雅亦嫵媚歎觀止矣弟阜長董善花
卉客吳中恒與相見謂長令嗣立凡預年少而出筆
不凡其寫山水秀逸天成性落拓不脩邊幅乞其畫
者雖走幣未能必得也予嘗題畫破樓僧打夕陽鐘
詩意云招提草沒高樓破西風颯颯窗櫺過香大誰
司彌勒龕病僧猶守楞嚴課一杵鐘聲盪暮雲滿林
楓葉醉斜暉石幢經字磨苔讀代隔齊梁斷見聞峯
回嶺復疑無路山徑微茫窘行步樵子行吟負擔歸

常熟周左季家寫本

倉皇欲喚扁舟渡山居風景最堪思我欲移家住翠
微倘許打鐘兼掃地導師端合拜闍黎

與阜長同時同姓者盛稱山陰任伯年頤筆尤超卓
花卉喜學宋人雙鉤法山水人物無所不能兼善白
描傳神一時刻集而冠以小象者咸乞其添豪無不
偏肖橐筆滄上聲譽赫然與胡公壽並重予嘗題其
合作鷹石云墨池點石勢嶙峋添寫秋鷹迴絕倫豈
肯卑栖隨鷄雀未妨高舉出風塵雲停歇浦慳投分
鶴唳華亭倍捨神

予與公壽論交三十面各有千秋成
年伯年則未謀一

合璧揮王而後此傳人

丁豹卿文蔚蕭山人諸生工畫折枝花卉鮮麗無比
吾師黃韻甫先生贈以詩云我生曾行五千里咫尺
未渡鑑湖水我生曾交天下士咫尺不識丁敬禮又
云芬芳何來襲襟袖折枝更勝耶溪春姪入秦佩芬
雲亦通大法畫牡丹尤擅長倚晴樓有題其畫卷詩
云歸來却展秦女畫筆露所到春萌芽千英百蕊互
間出姿態似與風歌斜看花何人得花趣妙手有此
真堪誇瑤臺愧乏李白句寶樹合種丁仙家其推獎

常熟周左季家寫本

亦已至矣

李春颿銓同邑人工花卉尤善草蟲體物入微生動
有致設蕊珠閣箋扇鋪夏日有蜥蜴墮甌中司釁老
姬不察而烹之誤食者同斃三人君遂輟業殿門作
畫閱二年而殤

陶鏡庵浴一字鴻上秀水人錐庵先生之弟錐庵工
山水享盛名君善花卉兼善翎毛敷色鮮豔用筆鬆
秀難弟難兄一時競爽子問琴壽桐亦善畫山水能
得世父遺意筆極秀挺惜不永年

花九如城秀水人隱於市廛喜作畫從董枯菴先生
游藝益進嘗為予畫山水紈扇持入都門吾師萬文
敏公見之甚歎賞也後幕游漢陽數年歸即下世
陳古樵璞廣東番禺人道光甲辰舉人詞壇老手與
陳蘭浦學博澧分主學海堂講席蘭浦課經古樵課
詞章墨筆山水濃厚蒼老近王叔畦粵人論山水甚
重陳鼎陳鏞二陳皆官於粵者迨古樵出遂稱三陳
居古泉廉番禺人人物花卉翎毛山水皆稱能事尤
長指頭畫兄仁亦擅繪事兄女二均傳家學長名慶

常熟周左季家寫本

字佩徵廣西于晦若侍郎式枚之世也次子王徵年
十七無病跣跌而逝

黃韶九振成廣東嘉應州人道光己酉舉人出吳少
邨文房後官江西知府山水作麻皮皴水墨秀雅士
夫筆也粵地多巖山畫家率羸獷之生趣韶九一洗
之頗似江南人筆墨

鄧小石濤廣東南海人以山水名同治甲子吳少邨
丈由粵藩擢撫楚北都人士賦詩送行繪穗城棠頌
圖小石筆也疏秀可愛

閻復生家然粵人善工筆人物
羊毓金江蘇人浦季高字又吳嘉善人均長人物
揚子仙慶華亭人擅白描人物
童松君叶庚江蘇崇明人曾任浙江德清縣知縣飲
酒賦詩風流自賞畫墨梅喜作萬玉圖清超拔俗子
晏字叔平任伯年畫弟子雙鈞花卉極工父故遺橐
蕭條遂成癩疾適時輒發竟以此死年未四十惜哉
嚴虹橋儀同邑人能傳神山水人物花卉淹有衆長
吳少邨文初時曾從之學畫

常熟周左季家寫本

蔣秋堂錦同邑人華隱明經之父學唐小李將軍金
碧山水近世僅見又工人物明經子懋春字霽樓諸
生亦能山水人物人但知華隱先生能詩善畫不知
其父作子述並皆佳妙也

祝樵雲萬壽同邑武生阮文達放浙江學政按臨嘉
郡樵雲報名試古學賦筆超逸首擢之兼善畫梅予
於道院中見其畫筆今已無存矣相傳文達撫浙開
武闈樵雲發矢皆失正鵠命賞一回昏中的及入內
場墨污試卷竟不獲售亦命矣夫

孫閱青第培一字醜舫仁和入茶耘太僕之子官湖南知縣性嗜飲天真灑脫居官廉靜善畫松石花卉間作小山水出入白陽青藤之間而筆特沈厚賦色者尤豔佚饒古法沅湘人甚寶之

張叔平世準湖南永綏廳人道光癸卯舉人官刑部主事任京師久與山陰周少白齊名善墨梅縱橫槎枒乾澀互用圈花點椒別具一格山水枯勁中饒淹潤近文五峯釋漸江查二瞻吳墨井諸家時人有謂為真苗疆山水者實謬評也

常熟周左季家寫本

周少白蘭山陰人畫石具各種皴法輪菌磊砢洞竅玲瓏名震都下所畫多長題詩亦俊逸清新饒有別趣

胡石查義贊河南光山人官浙江同知長金石考證之學所藏泉幣皆希品證據精確不讓鮑臆園也書畫皆學董文敏清潤淹雅不僅貌似又善諧談聽者忘倦與趙延庵尺牘往還裝冊積寸矣

秦敬之敏樹一字稚放吳縣洞庭山人以簿尉任浙曾任天目山巡檢能詩兼工山水五十後專用水墨

錫一印日五十戒色烟雨樓嘉禾八景石刻是其所
作詩筆夷猷淡宕清氣往來其作畫贈譚仲倫廣文
云君來鴛湖游明月論詩爽君辭鴛湖去西風送蘭
槳我乍枕書眠夢曳西陵杖突兀飛來峯陡然落吾
掌老樹閃疏燈怪石壓虛幌墨雲雜雨雲模糊不可
仿秋雨時滴階蕭蕭蕉葉響卷之持贈君聊寄停雲
想又題畫障四絕云楊柳依依正好春桃花紅似鏡
中人武陵一夜東風暖只有漁郎許問津竹深荷淨
杜陵詩玉腕香凝雪藕絲水殿雲廊何處是銀牀正

常熟周左季家寫本

愛嫩涼時梧桐庭院喜秋晴華月初圓露未零莫漫
朱絃彈綠綺水晶簾下有人聽天公玉戲灑林密紙
閣圍爐詠絮看休笑羊羔薑太尉梅花近亦怯清寒
彙其所作名小睡足齋詩錄馮景亭年丈桂芳為之
序云吾吳洞庭西山有隱君子曰秦君雅放庚申秋
余避地君家始識焉君家消憂灣當縹緲之陽湖山
山殊勝甲於吾吳亦甲於江左寇氏撲慝耕而餐汲
而飲圃且織而賣無求於他熙然滿足自蘇城陷賊
迹在四鄉賊所不至鄉民復自相剽劫并吞數十里

中無完土獨此山晏如所謂君子之鄉非耶復得賢
主人私喜他日亂定買山卜鄰無踰此間矣君工詩
兼長繪事鐵筆故一室古梅蔭階下取先世太虛先
生齊名顏曰小睡足寮簾閣據几跌宕吟哦其間意
翛然續古三仙間出所為詩若干卷示余則洵予得
湖山之清氣者也昔唐皇甫持正序顧逋翁詩有曰
吳中山泉氣狀英淑怪麗太湖異石洞庭朱實鈞號
秀絕君出其中翁輕清以為性結冷汰以為質煦鮮
榮以為詞君其今之逋翁矣翁嘗從韓晉公於江南

常熟周左季家寫本

南八佐著作以幕職起家驟成其名落大績君精幕
事安知異時遇合不有如逋翁者雖然君之雅量高
致其肯以彼易此乎否乎今年八十一尚健猶不廢
筆硯

顧子長大昌蘇州人自號楞伽山民工畫山水純用
古法取經極高一洗時下膚淺之習秦散之集中有
寄詩一律云廿年不見楞伽老畫筆縱橫更勝泉前
萬卷藏書無恙否千秋著作幾時鐫漫拋白髮徇流
俗好寫青山當酒錢我欲尋君買孤艇西湖留住又

年年

胡芝楣駁烈石門人諸生翁鄰明經之大父也擅山水花卉他書未載亟宜補之翁卿名鑠工摹漢印鐫碑帖使刀如筆譽重一時其為詩清超絕俗書法疏宕畫蘭菊亦秀逸有致卅年舊雨年近七旬今已移居郡城蓮花橋畔矣子小菊茂才傳緬克紹箕裘

常熟周左季家寫本

寒松閣談藝錄卷三

嘉興 張鳴珂 公東

九峯中丞耆齡滿洲人官江西巡撫後調撫廣東通六法予在江西見其所畫巨石一幀筆力雄健而士氣盎然真名作也

東屏觀察銘岳瓜爾佳氏漢軍正白旗入道光乙未進士以知縣分發江西屢任繁劇有循良聲文學博雅金石畫書畫網羅最富工書善畫尤喜振拔寒士名重一時粵西寇起犯九江陷金陵公時居母憂巡

撫張文毅公倚其才奏請留辦防勦積功升知府晉
道員改江蘇大帥皆重之咸豐庚申二月賊窺浙江
蘇撫檄公入浙領軍事子鳳聲方官浙江理事同知
公至則以戰守教鳳聲建十五策上巡撫羅壯節公
尋省城被圍賊穴地轟城逼近寓舍公父子率家丁
巷戰均歿於陣

予初至江西在撫署官廳見挂屏三幅畫折枝花果
品極佳而無款正疑訝間同年趙撫叔大令指謂予
曰此東屏先生筆也益心敬之至下期銜參則已被

常熟周左季家寫本

人揭去矣惜哉

子璞郡丞秀琨漢軍人咸豐初需次粵東工畫山水
蒼潤渾厚在山樵大癡間兼擅花卉一時名重公卿
山陰汪美生瓊旅譚云郡丞夢堂相國英廉之姪孫
也姓馮氏先世本嘉興人後徙山東復徙遼東從
龍入闕隸漢軍籍王蘭泉司寇湖海詩傳采相國詩
誤以為涿州之馮張南山詩人徵畧亦承其誤郡丞
嘗致書南山屬其改定乃易涿州為遼東云

季學耘標如皋人布衣嘗為沈匏廬先生壽畫載酒

訪詩圖亦長花卉吳璉軒孝廉得其畫菊一幅清扶
圓綻詩字並佳徧訪其名無人知者後見於鮑廬詩
話中

辛梅初試南江西人曾官廣東少尹山水善運渴筆
純用乾擦疊嶂層巒其烟霏霧結之致

沈蘭洲念椿同邑人以縣丞需次江蘇善花卉用筆
渾厚得力於錢穉石宗伯其甥海鹽張元勛字槐卿
亦善寫生有甌香館筆意墨梅尤勝

沈曉樓福鍾蘭洲族姪父慕琴先生亨惠曾任廣東

常熟周左季家寫本

南雄州牧曉樓以醜尹仕粵性善繪事道光咸豐以
來畫家手迹搜求殆徧吮毫臨寫遂工花卉

俞幼山功懋海鹽人咸豐間優貢以知縣任廣東能
仿傅雲館青綠山水用金箋尤秀麗奪目

許鞠存名落嘉郡人善花卉咸豐間游嶺南賣畫自
給

楊桂峯額上元人以下僚仕浙工人物

戴保卿有恒錢塘人文節公長子由訓導官松江府
管糧通判畫承家學出入麓臺石谷間其羣從之能

畫者用伯廣文以恒最工細屋宇几席不爽銖黍仲
江茂才之恒墨采橫溢超卓異常季渠茂才其恒一
字問水揮灑自然恣臻神妙子謙爾恒今官蘇州府
知事循規蹈矩秀韻天城保卿長子步瀛茂才兆登
又號蘇門格守家法導源婁東保卿嘗挈其過子雲
間寓舍觀王廉洲畫忽忽三十五年矣思之猶如昨
日次子青來觀察兆春又號展韶丁丑進士由編修
官至陝西陝安道濡染家風亦工山水後沈於井惜
哉因憶戴氏諸君惟季渠未經謀面今僅存子謙一

常熟周左季家寫本

人人事推遷如電光石火亦可慨見

何松泉晉榮一字鞠禪上虞人負生善山水筆墨超
逸氣象渾厚深得戴文節公遺意子謙嘗師事之
王笠夫禮鎮洋布衣太倉王氏之裔山水多著色用
筆蒼古貧無擔石以筆墨為生涯光緒庚子卒易簣
時出平生得意舊分遺門弟子

夏子儀鳳翔錢塘人諸生工畫嘗為予作觀世音菩
薩象當從心出家庵粥飯僧得來弟紫笙茂才鸞翔
尤工白描人物所書莊芝階先生碧血錄一書歷朝

官制文武冠服攷據詳明足徵學問至其布局之渾成位置之疏密尺幅之中賢姦逼肖尤見匠心獨運焉

紫筌天分極高書畫詞章皆稱能手尤精疇人術有夏氏算學遺稿四種兼中西法 受福附識

莊芝階先生仲芳秀水人工古文辭官游在外晚歲還故里今其後人仍官京師也嘗著碧血錄一書起自嬴秦終於明代發潛德之幽光誅姦諛於地下洵有功名教之鉅製也其自序云語云願為良臣毋為

常熟周左季家寫本

忠臣夫忠良之迹雖殊忠良之心則一特遭遇使然耳歷史所載忠良夥矣有死封疆者有死異國者有死征戰者有死暴君者其死皆烈烈當時壯之後世仰之固無憾也惟君德不明讒人交搆君力不制姦逆橫行身死而志不伸事寃而衆皆慟其於死忠最慘專待後人之表揚焉第史冊浩如未必盡人能觀因為摘錄其行事并圖其形冠於前而以讒人跪於下使賢愚共睹觸目警心誅姦諛於既死抒忠蓋之不平亦激揚之一助乎凡正史不載者皆不錄示信

也仁和魏滋伯謙升跋其後云秀水莊之階先生以
貴介幼書家藏萬卷編讀之皆能融會貫通其為文
簡潔有法度兼史家才學識三長每與余論史至姦
佞妨賢病國義憤不平見於詞色因著列史碧血錄
五卷始於秦之蒙恬蒙毅終於明之盧象升凡二百
三十二人為圖一百二十有一著論百篇節短韻長
深得太史公神理非胸羅全史目如炬筆如椽者不
能為也昔漢武梁祠堂畫像晉顧愷之畫劉向列女
傳圖皆賢好並著今碧血錄之有圖亦有此義凡以

常熟周左季家寫本

示勸懲垂鑒戒云

蔣田字稻薈浙西人道光間以縣丞分廣東工書畫
隸篆鐘鼎蒼勁入古年八十餘猶能作巨幅山水魄
力雄厚蒼茫中具靈秀之氣真傑作也

許咸字子重一字鐵珊婁縣廩貢生官浙江建德歸
安等縣知縣善八分書兼善墨蘭瀟灑有致

李綱字后安北平人以下僚任浙曾任白沙巡檢工
花卉筆致清挺有白陽山人遺意書亦蒼勁可喜

蔡公重鼎言一字春疇錢塘人諸生曾權嘉興校官

予初試君時任小螺螄山小樓一楹延青飲綠安排
筆硯供養烟雲煮茗清談備然絕俗歲己巳與予同
在采訪忠義局所夕晤對相得益歡是夏苦熱遂與
君獲被城東之水香庵借梵王宮而道暑焉君工山
水得戴文節公遺意為予作校經圖一時題詠甚夥
會稽李純客侍御慈銘為之序曰讀書之樂窮涂所
艱折疑之功索居多戚况夫簪裾益集皆為素心丹
黃互讐每竟清暑東浙西浙不出乎百里今雨舊雨
數適於十人給官餐之錢校中秘之籍朝百映日緝

常熟周左季家寫本

快見其素塵夕几圓燈朱絲爛其行墨樂羣在業蓄
暇以勤槩夫平生尤為僅事此張子公東校經圖之
所由作也蓋其生其駕水馳驟鴻都烟思翁以益清
松格矯而適上填詞萬首唱徹乎井泉作賦十年寫
罄乎洛紙層拔萃之選竹箭重於璆琳秦參軍之功
貂蟬出於毛穎君嘗為今山西布政使劉學而且安
士軍中記室以功賞花翎
仁奉母藝陔南之蘭高柔玩妻校閨中之簡清漳夾
宅共趙煜之精廬君與趙州居瑕邱傳經受鍾興之章
句君問業鍾孝廉文孫佳事既萃勝襟遂遐泉來武
孝廉著有毅梁補註

林徵校經苑時則孫期瑞安孫侍弦誦實總丹鉛薛

漢全椒薛太生徒近鄰絳帳談經則高鳳嘉興高秀

識字則譚長仁和譚孝言天則朱生仁和朱秀作賦

則王子錢塘王訓張仁和張陳秀和陳奮塵則驚塵

落梁沈秀水沈拔胡錢塘胡孝引危則清言傾釀割


未蘭之院時寓局雜貝葉之書或聯榻於東西或著

屐以出入闢壤種樹穿池引泉分經幢以安花猶鐘

廊而步月抽架既倦間以奕棋燒燭就闌互起歌詠

近巷過雨偶出訪碑疏簾敵風時看作畫未陳雨君

常熟周左季家寫本



嗚呼歲月之聚速於轉輒朋友之散忽如落葉僕也

暫與斯役旋有遠行滯蹟武昌深懷聖水冠緇俟其

變素襟酒鬱而猶香諸子多預計偕君亦將赴廷

對承命作記濡筆述情鳴雞相聞不已於晦雨修柏

之悅無間乎歲寒諒我同岑視此陳迹至於漢魏石

體有一字三字之分隋唐師傳有陸本孔本之異陸

釋文孔氏正義及賈氏疏所據之本各異今此而刻之致章合夫真古篆遞變隸楷滋為

蘭臺之經多改以私意兔園之冊或勝於官書熹平

失碑同異莫攷熹平石經載有漢時長興鏤板烏焉

愈紛科舉設而古訓亡大全行而注疏絕不觀開成之
之石以為通儒墨守永樂之書以為功令屠沽妄造
字謂過於聖賢鈔胥誤竄之文謂不敢增減凡斯校
讐之事不悉著於篇云

公見畫頗自矜貴及見伯滔迺歎服斂手生平學
精碑板唐以前翠墨搜藏殆遍孳孳考訂著金石
近存錄品馮恭詳凡石之已毀者不論半生作客
謀梓弗遑往歲余為許君邁孫言請其附刻榆園
叢書中逡巡未果今公重後人不振稿必敬佚惜

常熟周左季家寫本

哉 受福附識

蕤容才名藉甚先以諸生納賢官農曾與潘文勤公
呂庭芷觀察張香濤相國相頡頏丁憂旋里馬端敏
師聘入書局與予一燈讐校甚相得也旋舉庚午孝
廉仍官農部十丑予入都與君及黃漱蘭先生樊雲
門方伯陶子鎮學使文酒之燕無虛日癸巳再入都
門君已中庚辰進士官御史矣一時翰苑諸公皆仰
之如泰山北斗而羣稱為越縵先生云君長於三禮
之學而詞章尤勝著有湖塘林館駢體文越縵堂詩

初集其餘未刻者尚富也

癸巳夏予從曉峯中丞入都住苦水井與越縵一城之隔相距十里驅過從必清談移晷一日謂予曰我胸中有一篇鬱勃文字尚未傾吐予已默喻其意笑應之曰得非泣鬼驚神人之筆與後聞其於一疏中劾得試差而簠簋不飭者多至一二十人疏雖留中有聞風內愧相率引避不敢供職者嗟乎舉世波靡一士諤諤亦可謂臺閣生風矣

校經圖雲間顧類樵題亦作一幅用筆荒率大類王

常熟周左季家寫本

椒畦穎樵官闕中立功西陲為左文襄所擊賞予合裝一卷越廿載而龍陽易實甫觀察順鼎自相中至九江訪予德化官解為作後序云張子公東作校經圖成閱二十年而屬易子中碩跋其後曰慨夫 文宗季年武林多壘瀾閣既燼阮舍亦虛白虎之觀蕩為戎馬之郊紅羊之灾列於祖龍之火已而山川重秀天地再清偃伯靈臺洗兵漸水端敏建節扶風帳啟孝惠重席聚星堂開魯壁求蚪唐肆選駿昆明池上方除劫灰顯慶陵中始緝墜簡於是泛西子之水

疑若謨觴割楚王之宮即為天祿鴻生蟬鳩雅彥瓊
略官給筆札吏致牛酒淮我公束首膺斯選焉且夫
五百里賢人聚漢氏之美談也十三經正義成唐代
之盛軌也西山既闢甲部爰斟公束銳銀旭厯益晉
迨羣抱杜林之泰書執劉勰之丹器出其餘藝足了
十人間思誤書亦是一適渡河辨史精論已亥之藹
開戶祭經虔修庚子之拜詮說文九千字分部靡淆
訂論語八十種寸策周誤熹平三體攷南渡之隸編
開成二年括西安之石刻陸元朗之釋文差為麟角

常熟周左季家寫本

岳倦翁之凡例頗採驪頰每當露初星晚猶復風別
雨淮傾蘭灑而研朱就松泉而洗墨雨三鷗鳥相與
往還十萬蠹魚同其饑飽陳爵奠局並吳根越角之
英雕龍談天有淹中稷下之產乙星未降之閣鑄向
讐書子雲所居之亭侯芭載酒竹作翠海深不見人
書如青山高可過屋僮掃萬葉秋為丹黃佛窺一燈
夜忽碧綠然脂既倦抵掌交作此則結登駟之深契
縱橫古歡循龍象之奧區頻仰陳迹者已今者上馬
殺賊彰蒲胡之纓下車字此擲無顏之恰手板趨府

腰笏引舟吐哉經生藉甚良史治行第一聞衆母之
新稱少年三五記阿婆之故回事憶僧寮削枿朋榻
分茗易占盍簪之文詩續題經之集瘦羊博士叨大
府之官錢肥牛亭侯設後堂之女樂雲龍東野角逐
何從鴻雲西冷瓜留已賸尺波隙駟重答劉侯之書
斗酒隻雞空酌橋公之塚良書獨擁素交兩絕圖之
作也意在斯乎光緒庚寅夏六月

寶甫一名碩字仲碩又號種石笏山方伯之長公子
也年十八中乙亥舉人天才超卓兩年之間刻詩詞

常熟周左季家寫本



駢文十卷一時有才子之稱官河南道員忽慕匡廬
之勝溯江而游訪予德化相見恨晚遂訂金石交臺
灣之未歸日本也君往返數次與劉永福軍門籌防
禦之策而卒不果後舉經濟特科未與試授廣西右
江道忤上官罷歸遇於滬上時予亦被黜盱衡時局
相對殊坦然也君著作甚富已刻者有經義蓬撞四
卷讀老丸記二卷補遺一卷讀經首記一卷淮南許
注鉤沈一卷丁戊之間行卷十卷出都詩錄吳蓬詩
錄樊山沅水詩錄蜀船詩錄巴山詩錄錦里詩錄我

眉詩錄青城詩錄林屋詩錄游梁詩賸游梁詞賸賸
各一卷厚園閣詩二卷詞二卷楚詞亭詞琴臺夢語
各一卷鬢天影事譜四卷鄂湘酬唱集一卷倚霞宮
筆錄一卷眉黑拾餘六卷四魂集四卷四魂外集四
龍州雜俎三卷各種

寶甫築室廬山寄予匡山草堂記云易子隱匡山築
草堂臨三峽澗西為室僅數楹而譙處游觀之勝有
名號可圖詠者得十有八曰蘭若草堂可蘭若可草
堂也曰琴志樓琴在高山志在流水也曰晚巖種蘭

常熟周左季家寫本

處也曰鼻功德圃圃中種桂與梅也曰聽端軒澗之
端他處亦可聽而軒尤宜也曰茶烟廊曰粥飯寮山
厨也曰錦雲亭取李白詩中語亭對五老峰也曰鼇
磯象形兼會意也曰龍雷有瀑如懸雷形兼聲也曰
小綠水洋潭深如洋其色綠也曰藏舟壑泊小艇可
泛洋也曰繼仙梯曰飛虹梁曰三峽船皆作於石上
者也曰松社思歲寒也曰事十二闌指事也曰玉井
種蓮池也草堂俯澗十數丈餘樓出其上樓三間堂
六間堂之後為圃桂四株梅二株圃之後牆之內為

巖巖三石七土自圓五步而登蘭之本數十堂之前
為軒築短垣闢疏牖焉終日聞龍雷聲與澗聲相亂
徐辨之龍雷如墜雨澗如怒雷出軒左門為茶烟廊
粥飯寮北行十步又東南下澗至雲錦亭從軒望五
老見其四而止至亭則皆見矣置鏡於亭之南攝五
老入鏡中峯頂雲濤松石僧樵一一可數亭在澗西
砦石上石再疊方廣皆半畝由縑仙梯以達於鼇磯
前對龍雷下瞰小綠水洋月中敷坐怡然悄然有黃
帝脫屣之思磯南窈曲如港如塢老樹斷岸天然泊

常熟周左季家寫本

舟處也春夏大雨漲水高丈餘由此入鄱陽湖西泝
洞庭上沅湘岷江東招沿於海九萬里達歐羅巴阿
非利加諸島國矣南石度北石相距三丈則取道於
飛虹梁西石度東石隔澗相距又四丈則取道於三
峽船橋架水上人行室中奇險之觀天下無有也廬
山泉石雖勝罕兼二奇兼二奇而有之蓋以此為最
云軒之右門外曲廊相接植雜花蕉竹為十有二闌
闌以內有室三間為松社設賓榻以待足音是然者
莊子曰霜雪既降松柏後凋意在斯乎闌以外為

玉井上有石橋自巖後引水注焉薰風南來菡萏起
發其花十丈其藕如船底幾見之堂之地西抵晚巖
東抵三峽船東南抵藏舟壑南抵松社北抵粥飯寮
經始於六月脩成於十月用萬^萬四十萬有奇易子曰
余行天下山川多矣而留連於茲山之一壑一邱有
是哉有是哉爰張之以貽好事者
朱西泉昌壽仁和人同治庚午舉人博學多聞兼通
畫理學使者萬文敏公督辦軍務舉奇才異能之士
君亦預焉晚歲失聰窮老無聊依書局以卒

常熟周左季家寫本

陳藍洲豪仁和人優貢湖北漢陽知縣有政聲同治
丁卯馬端敏師奏開書局於杭城君與予同委分校
據案讐書對床話兩湖山之勝朋友之樂無以加矣
君通六法作山水澹遠超曠肖箕胸襟焉
葉雨穗滋純福建閩縣人官浙江知縣工山水與蔡
公重友善公重為予乞畫一筵甚佳
許益齋增一字邁孫仁和人曾游張文毅馬端敏幕
府由保舉厯階至道員所識知名之士甚夥與楊濠
叟劉仲良師皆舊交也築花圃於金洞橋名娛園以

奉其母母歿改稱榆園喜勸訂書籍與譚仲脩同校刻唐文粹一書精核無比其餘各家詞集皆精審可愛一時談藝之士咸集其廬適館授餐無倦容焉性愛書畫收藏既富偶一涉筆使自不凡嘗畫一古佛授其次子仲方大令全策大令出以屬題因得寓目壽至八十餘

廖養綸泉四川邛州人以諸生游曾文正公戎幕保知縣曾任江蘇新陽無錫等縣工書法兼善山水層巒疊嶂蒼潤自然其品在廉州墨井間也

常熟周左季家寫本

蔣幼節節上海人工詩善八分精篆刻受業於莫子偲先生友芝又能作花卉疏秀有致相見吳門嘗以金匱相攷證留江行紀游詩一卷而去旋聞其下世無可還也為錄其夜入江口云過客何須逗落帆滿船星火墮雙鬟鵝黃水面高低樹不辨焦山與象山揚州贈吳攘之丈熙載云硯石磨穿力尚餘漏痕釵股近如何年年古寺西風裏頭白人間老鬻書呂庭芷耀平陽湖人道光庚戌進士翰林院編修授直隸永定河道署天津道予客李軍門戎幕因魏槃

仲彥始相識於吳門君才名藉甚屢作諸侯上客左
文襄馬端敏均極器重喜填詞嘗語予曰君詞已升
姜張堂奧而尚欠一澀字諒哉斯言君所著鶴緣詞
經譚仲脩刪定篇帙甚夥皆全精美玉也君又工畫
墨蘭泣露啼烟風姿婀娜髣髴揮石宗伯君之友李
伯雨之郇亦毘陵人工畫山水曾與君在吳門共訪
之今皆不可作矣

吳蘭石煥采安徽人予在淮軍君亦客吳武壯公戎
幕武壯所帶慶字兩營皆歸劉仲良師所節制也君

常熟周左季家寫本

積功至直隸知府善畫蘭癸巳四月予北行晤君於
鹿芷觀察坐上談讌竟日歡適平生予賦慶清朝詞
以贈之云茂苑題襟松江鼓柁匆匆十九年華飄蓬
未定潞河春水浮槎雨過一堤嫩綠柳絲影裏玉鞭
斜闥心認小橋曲港靜掩窗紗羞喜故人把臂有舊
游詩老並坐煎茶相逢意外囊底新句爭誇話到別
離最苦酒闌分手即天涯從茲去碾輪紫陌吹面塵
沙

張雨生溥東昭文人秦澹如觀察外甥也曾任海甯

仲彥始相識於吳門君才名藉甚屢作諸侯上客左
文襄馬端敏均極寵重喜填詞嘗語予曰君詞已升
姜張堂奧而尚欠一澀字諒哉斯言君所著鶴緣詞
經譚仲脩刪定篇帙甚夥皆金精美玉也君又工畫
墨蘭泣露啼烟風姿婀娜髣髴揮石宗伯君之友李
伯雨之邨亦毘陵人工畫山水曾與君在吳門共訪
之今皆不可作矣

吳蘭石煥采安徽人予在淮軍君亦客吳武壯公戎
幕武壯所帶慶字兩營皆歸劉仲良師所節制也君

常熟周左季家寫本



積功至直隸知府善畫蘭癸巳四月予北行晤君於
庭並觀察坐上談讌竟日歡適平生予賦慶清朝詞

梅香仙而祖察宣城人由京官改任蘇州知府
賦有牙牙收均散髮精起中中中中中中中中中中
與老柳翁氏有世誼身沒蘇州蘇州蘇州蘇州蘇州
方以和餘生次以以以以以以以以以以以以以以以以

離最苦酒闌分手即天涯從茲去碾輪紫陌吹而塵

沙

張雨生溥東昭文人秦澹如觀察外甥也曾任海甯

州知州善山水得婁東諸君名家遺意

李筮愚嘉福石門人官江蘇知府喜收藏金石書畫
儲弄甚富後得烈士要離漢梁伯塚六字殘石珍如
球璧又能作畫罷官後僑寓吳門挹鬱以歿

凌子與霞一號塵遺湖州人布衣少時工吟詠與揚
見山太守陸存齋觀察施均甫觀察諸君稱茗上七
子熟於明季社事始末喜作墨梅疏枝冷蕊絕無烟
火氣晚歲素爽秋太常廵推蕪湖聘司筆札丙申予
泝江東下重握手於識舟亭畔與沈約齋同年招飲

常熟周左季家寫本



酒樓盤桓兩日賦詩題予長江歸艇圖云官蹟洪都
首重回江山如畫好懷開鄱陽風浪潯陽月曾遣先
生領略來布帆無恙送征橈來去長江趁落潮檢點
琴書餘長物歸裝贏得有詩瓢解組歸來歲月餘故
山猿鶴鎮相於料應已辨烟波宅不用牽船岸上居
許東生桐一字韻琴秀水人住新城之柿林鄉工吟
詠擅花卉翎毛而以蘆雁著名藏有未襄陽雲山烟
靄卷沈石田長江無盡卷黃大癡天平山卷皆真蹟
也子鼎猷字羹梅一字鼎翁畫筆超曠能承家學得

倪雲林畫卷極佳尤喜藝蘭著有蘭蕙同心錄

文照原名如嘒秀水人後山先生季子也畫山水承家學非筆硯精良不輕揮洒故流傳極少

沈祥叔瑞清一字味腴秀水人諸生任聞溪兵燹後移盛澤善篆隸工士女及雙鈎花卉長子春元亦諸生擅繪事早卒

金少愚廷椿亦聞溪人工花卉尤喜畫蝶小闌日午芳草落花栩栩欲活人以金蝴蝶稱之其署款則祥叔筆也

常熟周左季家寫本

高次愚燈秀水人畫花卉初師陶錕庵後學王秋言用筆挺秀清氣往來一洗抹粉塗脂之習予甚愛之衣食奔走未暇相求而君竟作古人矣惜哉女蘊姍珮字德華適郭季人中書少時濡染家學秀雅絕倫偶寫山水小幅亦鬆秀可愛者昔歲陳邃閣室邑侯廷勛去任時乞其畫鴛湖餞別圖扇泥金作於小冊見者無不歎賞

郭小樓照字容先一字子青又號肖雷秀水人性嗜文墨能詩並銘贊題跋等著無不精妙愛收藏得靈

飛經墨蹟刻之書法似倪雲林畫花卉兼工翎毛結
交皆老蒼得聞緒論故造詣益深著有隱吾草堂集
弟浩如頎康初名然諸生以身修多病故政令名亦
愛收藏善花卉後畫山水皆有法度年三十六即辭
世曉樓子似堽字友伯一字季人一作寄純人物花
卉皆能為之以中書科中書家居奉母定省之餘出
所儲名畫盡心臨仿又有佳子弟二人長蘭祥字和
庭次蘭枝字起庭年僅弱冠皆能握管作畫生香活
色絹海滂山斗室之中如入波斯藏也寄純與起庭

常熟周左季家寫本

又工篆刻上規丁黃近接錢趙使刀如筆綽有可觀
寄純配高蘊姍女史雅擅六法浩如之女嫻字淑清
適鳳溪吳濟英寄純之女鳳娟字采仙均工花卉鴛
湖靈秀之氣萃於一門亦一時佳話也

陶詒孫燾蘇州人山水蒼莽渾厚不落時蹊嘗為予
臨高房山尚書夜山圖一幀尤極清曠之致

胡覺之寅安徽歙縣人嘗為縣忤上官罷去賣畫自
給游吳門寓獅林寺為寺僧畫獅象巨幅形神酷肖
而筆仍雅飭其餘山水花卉無所不能人亦坦率與

予極相契合子璋字鐵梅工畫山水合并滬上檢吳
攘之所刻張氏收藏小印貽予予嘗題其所畫梅花
高士圖云消息南枝動倚然獨掩闥寒催梅漸放人
與鶴俱閒香雪巢居閣春風湖上山絕無封禪草空
負詔書頌書畫傳家學謂尊甫覺之先生拈豪獨數君帖臨
王大令圖寫未敷文曾覽搏桑日君嘗游日本還停歇浦
雲何當重握手尊酒話離羣

癸酉夏日子容江南提督李質堂軍門朝斌戎幕時
松江衙署未成而尚駐節吳中也因與同人結脩梅

常熟周左季家寫本

閣書畫社德清俞曲園先生作潤目小引云昔王子
安心織古耕自成馨逸願長康手揮目送畫得風流
然皆一技之長只堪自悅豈若衆萃其美各奏爾能
聚潘江陸海於同時集范篆蕭真於一室徐熙設色
花鳥寫其精神王冕奏刀金石珍其刻畫如入五都
之市應接忘疲如登衆妙之堂取攜即是載明作手
標向街頭黃絹能題敢享自珍之帚青山可買不使
造孽之錢條列潤資聊疏小引

江山劉履芬泖生

遵義黎辰昌菴齋

歙縣胡寅覺之

錢塘戴兆登步瀛

清苑李錫光樾山

元和金肇鼎榜之

仁和夏鳳翔子儀

錢塘戴兆春青來

嘉興張鳴珂公東

歸安倪士偉古青

長洲潘鍾瑞慶生

秀水陶壽桐問琴

海鹽陸鳳墀芝山

仁和夏曾傳薪卿

烏程周作鎔陶齋

邵陽魏彥槃仲

歸安倪昌勳劍芝

歸安朱福清脩庭

仁和吳恆仲英

山陰王廷訓載子

常熟周左季家寫本



同治十有二年夏閏六月中江李鴻裔歸安吳雲德

清俞樾同品定

周陶齋作鎔烏程人官江蘇知縣書法仿董文敏秀

韻天成畫花卉果品茗甌蒲盞之屬皆脩潔可愛

陳一飛專菱松江人工人物尤喜白描嘗為予臨陳

迦陵填詞圖於竹臂擗風神瀟灑丁南羽之流亞也

沈元成銘松江人諸生善隸古筆力雄健尤喜作山

水釀郁淹雅鏡有士氣予嘗題其藉草談詩圖云白

雲青嶂起參差樵徑微茫步履屨遲楓葉霜酣秋欲

醉素心相對坐談詩束髮從軍賦大哀玉樊自是出
羣才九峰踏徧芒屨破曾向祠堂薦芷來癸未秋偕
沈約齋同
年取伯齋農部
謁夏內史祠祖宋祧唐雜笑頻風塵珍重苦吟身
論詩最愛雲派問誰與湘真作替人無端瘦盡沈郎腰
腰舊日詩壇賸寂寥鬼唱秋墳聽不得披圖鉛淚瀉
如潮

謝次珪公桓嘉善人丁卯舉人工山水

陸劇雲源蘇州人諸生館於韓氏予客吳門時嘗往
訪之性喜吟詠善畫山水純用澄筆橫點疊作尖峯

常熟周左季家寫本

蒼秀之氣撲人眉宇蓋師朱津里法也予嘗題其西
湖小景云琳宮梵剎半蒿萊處士孤墳絕點埃開徧
梅花三百樹夜深可有鶴歸來甘棠遺澤滿鄉閭太
守風流信不虛昨向白蘇堤畔過山椒添蓋薛公廬
徐倬雲秦增平湖人諸生善山水規行矩步宗仰麓
臺林木樓臺咸有法度與專尚氣韻者迥別也
孫嘯秋慶治同邑人諸生書法吳興工花卉有新羅
意

杭松容朱暉同邑人善裝池設一肆於禾城見名蹟

輒臨仿遂工山水終日居小樓摹古畫裝成販售獲
厚利非具正法眼藏無能別其真贗也

常熟周左季家寫本

聖